

British Resistance during WWII

(Abstract)

KEYWORDS: WWII, Battle of Britain, Royal Air Force (RAF), Luftwaffe, Blitzkrieg, The Few, British Royal Family, UK

I was born sixty years after the end of the Second World War. All my grandparents belong to the post-war baby-boomer generation. The generation born after the third millennium can now encounter this immense conflict only through books, films, museum exhibitions and the recollections of elderly people. Several factors explain why I remain drawn to this seemingly “old” story.

The phrase “World War” is not propaganda; it denotes the conflict’s unprecedented scale. All the leading powers of the twentieth century were involved. Nazi Germany, the Kingdom of Italy, and the Empire of Japan constituted the Axis; the United Kingdom, France, the Soviet Union, Canada, the United States, Australia, New Zealand, India, and China opposed them. Major campaigns were fought on three continents – Europe, Asia, and Africa – and military actions reached theatres as diverse as the Pacific, Alaska, Greenland, Antarctica, Tibet, Iraq, Iran, Ethiopia, Somalia, and Suriname. It is historically ironic that Afghanistan, which remained formally neutral during the Second World War and neither attacked nor engaged in hostilities, is today among the world’s most violent conflict zones.

In all, sixty-one countries participated in the Second World War, representing more than eighty per cent of the contemporary

world population. Military operations affected the territory of some forty states. Estimates of total deaths commonly cited in scholarship cluster around sixty million, of whom roughly forty million were civilians; other sources contend that the toll may have approached eighty million.

In the present climate of global politics, commentators periodically invoke the spectre of a third world war. Numerous protracted conflicts illustrate the scale of contemporary instability: the Afghan civil wars; the insurgency and civil war in Iraq; the Syrian civil war; the Libyan civil war and its aftermath; the Yemeni crisis; the Somali civil war; the Kurdish-Turkish conflict; the Israeli-Palestinian conflict in Gaza; the Kashmir dispute and the 2019 India-Pakistan standoff; insurgencies in the Maghreb; and recurrent US-Iran tensions, among others. In such a world, analysing past errors and understanding their causes is essential if we are to avoid repeating them. For this reason, my research concentrates on the Battle of Britain and the Blitz, distinctive and decisive phases of the Second World War.

The precise outbreak date of the War remains contested, which is unsurprising given its gradual escalation across different regions. A conflict of such magnitude could not be said to begin in a single day or place; several key moments mark its intensification. Japan's invasion of Manchuria on 18 September 1931 initiated a process of imperial expansion in East Asia. Benito Mussolini's conquest of Ethiopia, carried out from 3 October 1935 to May 1936, consolidated his domestic prestige: the provinces of Eritrea, Italian Somaliland and Abyssinia (Ethiopia) were united under Italian rule, with Addis Ababa proclaimed as the capital of the Italian Empire of Ethiopia; King Victor Emmanuel III of Italy was proclaimed emperor. That 'victory' contributed to Il Duce's political standing. Some historians argue that Britain's initial policy of appeasement

encouraged closer Italian–German alignment. The Marco Polo Bridge Incident of 7 July 1937 precipitated the prolonged Sino–Japanese War and is commonly regarded as the moment when hostilities in the Pacific basin became integral to a global conflagration.

Italy’s invasion and annexation of the Kingdom of Albania on 7 April 1939, and the German–Soviet Treaty of Non-Aggression concluded by Joachim von Ribbentrop and Vyacheslav Molotov in Moscow on 23 August 1939 – which secretly delineated spheres of influence in Eastern Europe – further destabilised the continent. Germany’s invasion of Poland on 1 September 1939 is conventionally taken as the outbreak of war in Europe; Britain and France declared war on Germany two days later. The ensuing eight-month interval from 3 September 1939 to 10 May 1940, during which little occurred on the Western Front beyond a limited French operation in Germany’s Saar district, became known variously as the “Phoney War” (a phrase attributed to US Senator William Borah), the “Twilight War” (used by Prime Minister Winston Churchill) and, in the British press, Sitzkrieg (“the sitting war,” a wordplay on the German blitzkrieg).

The first major campaign of the Second World War commenced on 10 July 1940, when the Royal Air Force defended the United Kingdom against large-scale Luftwaffe attacks. Unknown to Nazi Germany at the time, the Battle of Britain would become Hitler’s first major strategic defeat. Churchill’s remark in the House of Commons on 18 June 1940 – “the Battle of France is over. The Battle of Britain is about to begin,” – endowed the engagement with its enduring name. Four days after that speech, France surrendered, leaving Britain as the principal obstacle to German domination of Europe; consequently, the Battle of Britain assumed decisive strategic importance.

The campaign's geography and tempo changed over time, and historians continue to debate its precise start date. Air Marshall Hugh Dowding regarded 10 July 1940 – when Luftwaffe attacks intensified – as the opening of the campaign.

The Royal Air Force Museum identifies five phases:

26 June–16 July (Störangriffe, “nuisance raids”);

17 July–12 August (Kanalkampf, “Channel battles”);

13 August–6 September (Adlerangriff, “Eagle Attack,” also referred to as “Operation Adler”);

7 September–2 October (the commencement of sustained night bombing commonly termed the Blitz – short for a 76-day Blitzkrieg, “lightning war” – following the large-scale daylight and night raids);

3 October–31 October (continued air operations between the RAF and the Luftwaffe). The RAF's success on 15 September 1940, when it repelled a large Luftwaffe formation over London and south of England, helped compel Hitler to postpone Operation Sea Lion, his planned invasion of Britain. Large-scale night attacks then persisted, primarily against London and other British cities, until May 1941.

The Battle of Britain and the subsequent Blitz represent among the fiercest assaults on British freedom and security in the nation's history. The RAF pilots known as “The Few” resolved that no enemy soldier would set foot on English soil and demonstrated extraordinary courage in defence of that pledge.

Britain's resistance in 1940-41 marked the first major defeat of Hitler's forces and helped set the conditions for the eventual Allied victory. Symbolically, nearly fourteen years after the invasion of Manchuria, Japan's formal surrender on 2 September 1945 brought the Second World War to its final conclusion.

ბრიტანული წინააღმდეგობა მეორე მსოფლიო ომის დროს

საკვანძო სიტყვები: მეორე მსოფლიო ომი, ბრიტანეთის ბრძოლა, სამეფო საპარეო ძალები, ლუფტვაფე, ბლიცკრიგი, ბრიტანეთის სამეფო ოჯახი, გაერთიანებული სამეფო

1. ომი ისტორიულ რაკურსში

ისტორია ნებისმიერი პროფესიის ადამიანს უნდა აინტერესებდეს და ძირითადი, განსაკუთრებით საინტერესო ამბები მაინც იცოდეს. ამ მოსაზრებამდე თავად მივა, ილია ჭავჭავაძე დაეხმარება თუ რონალდ რეიგანი, ამას მნიშვნელობა არა აქვს.

1888 წელს გამოქვეყნებულ პუბლიცისტურ წერილში „დავით აღმაშენებელი“⁶ წმინდა ილია მართალი წერს: „არ ვიცით, სხვა როგორა ჰფიქრობს და ჩვენ კი ასე გვეგონია, რომ ერის დაცემა და გათახსირება მაშინ იწყება, როცა ერი, თავისდა საუბედუროდ, თავის ისტორიას ივიწყებს. როგორც კაცად არ იხსენება ის მაწანწალა ბოგანა, ვისაც აღარ ახსოვს – ვინ არის, საიდან მოდის და სად მიდის, ისეც ერად სახსენებელი არ არის იგი, რომელსაც ღმერთი გასწყრომია და თავისი ისტორია არ ახსოვს. რა არის ისტორია? იგია მთხრობელი მისი თუ, – რანი ვიყავით, რანი ვართ და რად შესაძლოა ვიყვნეთ კვლავადაც“.⁶

1989 წლის 11 იანვარს ამერიკის შეერთებული შტატების ერთ-ერთმა ყველაზე ცნობილმა, მე-40 პრეზიდენტმა – რონალდ რეიგანმა ამერიკელი ხალხისადმი თავის

გამოსათხოვარ მიმართვაში განაცხადა: „თუკი დავივიწყებთ რა გაგვიკეთებია, მაშინ არ გვეცოდინება ვინ ვართ. გაფრთხილებთ, ამერიკული მეხსიერების განადგურებას, საბოლოო ჯამში, შეუძლია მიგვიყვანოს ამერიკული სულის გაქრობამდე“.³⁴

პირადად მე ისტორია იმიტომ მაინტერესებს, რომ „ხის სიმაღლე ფესვებიდან იზომება“⁵ მსოფლიო ისტორია კი ჩემი „ფესვებია“. ამასთან ერთად, ძალიან სახალისოა წარსულის შესწავლა. სამომავლოდ, სასარგებლოც იქნება. დაბოლოს, ჩემს ოჯახში ისტორიის სიყვარული და ცოდნა ტრადიციანაა, რომელიც ბუნებრივად გადმოემცა.

მეორე მსოფლიო ომი 60 წლის დამთავრებული იყო, როცა დავიბადე. ჩემი ბებია-ბაბუებიც ომის შემდგომ თაობას ეკუთვნიან. მე და ჩემმა თანატოლებმა მხოლოდ წიგნებიდან, ფილმებიდან, მუზეუმებიდან და უფროსების მონაცემებიდან ვიცით მეორე მსოფლიო ომის შესახებ. მრავალი მიზეზის გამო მაინტერესებს ეს „ძველი“ ამბავი XXI საუკუნეში. მხოლოდ რამდენიმე უმთავრესს დავასახელებ.

ამ ბრძოლას მსოფლიო ომი პროპაგანდისტული მიზნების გამო არ დაარქვეს. ეს ყველაზე მასშტაბური ომი იყო კაცობრიობის ისტორიაში. მასში ჩართული აღმოჩნდა XX საუკუნის წამყვანი ქვეყნები: ერთ მხარეს – ფაშისტური გერმანია, იტალიის სამეფო და იაპონიის იმპერია, მეორე მხარეს – ბრიტანეთი, საფრანგეთი, საბჭოთა კავშირი, კანადა, აშშ, ავსტრალია, ახალი ზელანდია, ინდოეთი და ჩინეთი. ძირითადი ბრძოლები მიმდინარეობდა სამ კონტინენტზე: ევროპაში, აზიასა და აფრიკაში. ასევე, საომარი შეტაკებები გაიმართა წყნარი ოკეანის აუზშიც, ალასკაზე, გრენლანდიაზე, ანტარქტიდაზე, ტიბეტში, ერაყში, ირანში, ეთიოპიაში, სომალისა და სურინამში.

ბედის ირონიაა, რომ ერთადერთი ქვეყანა, რომელსაც მეორე მსოფლიო ომის ქარცეცხლი არანაირად არ შეეხო და ბოლომდე შეინარჩუნა ნეიტრალიტეტი, ავღანეთია – ერთ-ერთი ყველაზე ცხელი წერტილი დღევანდელ მსოფლიო რუკაზე.

საერთო ჯამში, მეორე მსოფლიო ომში მონაწილეობა მიიღო 61-მა სახელმწიფომ, რაც მაშინდელი მსოფლიო მოსახლეობის 80%-ზე მეტი იყო. სამხედრო მოქმედებებმა მოიცვა 40 ქვეყნის ტერიტორია. შედეგად 60 მილიონი ადამიანი დაიღუპა, აქედან 40 მილიონამდე არა სამხედრო, არამედ უბრალო მოქალაქე იყო. ზოგიერთი მონაცემით, დაღუპულთა რიცხვი 80 მილიონს აღწევს.

ესპანეთში ფრანკოს დიქტატურა ოფიციალურად ნეიტრალიტეტს ქადაგებდა. თუმცა ბოლშევიზმის წინააღმდეგ მოხალისეებს ხელს უწყობდა, ესპანეთის მთავრობა კატეგორიულად მოითხოვდა საკუთარი მეზობლებისგან, რომ მოკავშირეების წინააღმდეგ არ ებრძოლათ.

თურქეთმა მოახერხა დისტანციის შენარჩუნება ორივე ბანაკთან, თუმცა მის ჩათრევას გერმანიაც ცდილობდა და ინგლისიც. თურქეთის დედაქალაქ ანკარაში დიპლომატიურ თამაშებს აწარმოებდა გერმანიის ყოფილი კანცლერი და ვიცე-კანცლერი, იმ დროს თურქეთში გერმანიის ელჩი – ფრანც ფონ პაპენი. პირადად უინსტონ ჩერჩილი ფარულად შეხვდა თურქეთის მაშინდელ პრეზიდენტს – ისმეთ ინონუს ქალაქ ადანასთან მატარებლის ვაგონში. 1943 წლის 4-6 დეკემბერს ინონუ დაესწრო კაიროს მეორე კონფერენციას, სადაც შეხვდა ფრანკლინ დელანო რუზველტსა და ჩერჩილს. თავიდან თურქეთს რაიხის გამარჯვების სჯეროდა და მისი პოლიტიკური სიმპათიაც გერმანიის მხარეს გადაიხარა. იმ პერიოდში, 1940 წლის 28 ივნისს, ფრანც ფონ პაპენმა საგარეო საქმეთა მინისტრ იოახიმ ფონ რიბენტროპს უპატაკა, რომ „თამაში მოგებულა“. საბოლოოდ, 1945 წლის თებერვალში, თურქეთი შე-

უერთდა აშკარად გამარჯვებისკენ მიმავალ მხარეს – მოკავშირეებს და დაუპირისპირდა გერმანიასა და იაპონიას. თუმცა, არცერთ თურქს არ მიუღია მონაწილეობა მეორე მსოფლიო ომის არცერთ ბრძოლაში.

ირლანდიაც ბოლომდე ნეიტრალური დარჩა იმის მიუხედავად, რომ რამდენჯერმე შეცდომით დაბომბა ლუფტვაფემ – ინგლისელებში აერია და ირლანდიის რესპუბლიკის ფლოტზე რამდენიმე შეტევა განახორციელეს როგორც აქსისმა, ისე მოკავშირეებმა. ეს პოლიტიკური პოზიცია „ემერჯენსის მდგომარეობის“ (საგანგებო მდგომარეობის) სახელითაა ცნობილი. ის 1939 წლის 2 სექტემბერს გამოაცხადა დოილ ერენმა – ირლანდიის პარლამენტის ქვედა პალატამ. ირლანდიის ნეიტრალიტეტის ერთ-ერთი მთავარი მიზეზი იყო, ბრიტანეთის მხრიდან ირლანდიის რესპუბლიკაზე თავდასხმის შიში.

ბუნდოვნად, მაგრამ ნაწილობრივ მახსოვს 2008 წლის აგვისტოს ომი რუსეთ-საქართველოს შორის. პირველი რეალური ომი, რომელიც ძალიან ახლოდან დავინახე და მივხვდი, ეს იყო ბოროტება და არ იყო – კომპიუტერული თამაში, სადაც მეორე და მესამე სიცოცხლის შანსი გექმევა. სწორედ იმ პერიოდში ვისწავლე საბრძოლო იარაღის გასროლის ხმის გარჩევა ფეიერვერკისაგან.

თანამედროვე სამყაროში არსებული დაძაბული პოლიტიკური სიტუაციის გამო, ექსპერტებისა და ხალხის ნაწილი მესამე მსოფლიო ომის⁵⁵ საფრთხეზე პერიოდულად საუბრობს. შეიარაღებული კონფლიქტების რეალობაში მცხოვრებ ქვეყანათა სია იმდენად გრძელია, რომ მხოლოდ რამდენიმე უმთავრესის დასახელებაც ნათლად წარმოაჩენს თანამედროვე საზოგადოების პრობლემას: ავღანეთი, ერაყი, სირია, ლიბია, იემენი, სომალი, ქურთების ბრძოლა თურქეთის სასაზღვრო ზოლში, ისრაელ-პალესტინის, ინდოეთ-პაკისტანის, პაკისტან-ირანის, ირან-ამერიკის კონფლიქტები და მისთ. ასეთ რეალობაში, წინაპრე-

ბის შეცდომების გააზრება და სათანადოდ გათვალისწინება საჭირო. ამიტომაც აქტუალურია ისტორიული გამოცდილების შესწავლა. რადგან მეორე მსოფლიო ომი მასშტაბური თემაა, ამ სტატიაში განვიხილავ მხოლოდ ბრიტანეთის ბრძოლასა და ბლიცკრიგს, რაც მეორე მსოფლიო ომის გამორჩეული ეტაპებია.

2. მწლობარე ომი

ჯერ კიდევ სადავოდ რჩება მეორე მსოფლიო ომის დაწყების ზუსტი თარიღი. ვფიქრობ, საკამათო აქ არაფერია. ასეთი მასშტაბური ომი ერთ დღეში და ერთ წერტილში ვერ დაიწებოდა. მისი ეტაპობრივი განვითარების გამო გვაქვს რამდენიმე მნიშვნელოვანი თარიღი.

მეორე მსოფლიო ომის მთავარი გამომწვევი მიზეზია აქსისის (დერძის) ქვეყნების მიერ წარმოებული დაპყრობითი ომები მსოფლიო კონტროლის მოსაპოვებლად. შესაბამისად, მეორე მსოფლიო ომისკენ გადადგმული პირველი ნაბიჯი ეკუთვნის იაპონიას, რომელმაც 1931 წლის 18 სექტემბერს მანჯურია დაიპყრო.

შემდეგ იყო ფაშისტური იტალიის მიერ ეთიოპიის ანექსია, რაც 1935 წლის 3 ოქტომბრიდან 1936 წლის მაისამდე გაგრძელდა. სწორედ ამ „გამარჯვებამ“ შეუწყო ხელი ბენიტო მუსოლინის პოლიტიკურ წინსვლას. ბრიტანეთმა დუჩეს დაიგნორების პოლიტიკა აირჩია, გაერიდა მის დაპყრობით ამბიციებს და, როგორც ზოგიერთი მეცნიერი ფიქრობს, მუსოლინის მხოლოდ ჰიტლერისკენ მიმავალი გზა დაუტოვა.

1936 წლის 25 ოქტომბერს ნაცისტურ გერმანიასა და ფაშისტურ იტალიას შორის თანამშრომლობის ხელშეკრულებას მოეწერა ხელი, ხოლო 1 ნოემბერს ოფიციალურად გამოცხადდა რომაულ-ბერლინური აქსისი. ამ გაერთიანების ორი მთავარი მიზანი იყო:

1. ტერიტორიული ექსპანსია და იმპერიების შექმნა სამხედრო ძალაუფლების საშუალებით, პირველი მსოფლიო ომის შემდგომი საერთაშორისო პოლიტიკური წყობის დამხობისათვის;
2. საბჭოთა კომუნიზმის განადგურება ან ნეიტრალიზაცია.

1936 წლის 25 ნოემბერს გერმანიასა და იაპონიის იმპერიას შორის ხელი მოეწერა ე.წ. ანტიკომინტერნულ პაქტს, რომელიც მიმართული იყო საბჭოთა კავშირის წინააღმდეგ. 6 ნოემბერს ამ ორს იტალიაც შეუერთდა.

1937 წლის 7 ივლისს იაპონია ჩინეთში შეიჭრა და სწორედ მარკო პოლოს ხიდზე მომხდარი ინციდენტიდან ითვლიან წყნარი ოკეანის აუზში მეორე მსოფლიო ომის დაწყების თარიღს. 1939 წლის 7-15 აპრილს იტალიამ ალბანეთი დაიპყრო და მისი ანექსია მოახდინა. 23 აგვისტოს ფაშისტურმა გერმანიამ და საბჭოთა კავშირმა არააგრესიული ურთიერთობის შეთანხმებას მოაწერა ხელი და ფარულად გადაინაწილა აღმოსავლეთ ევროპის ტერიტორია გაფლენის სფეროებად.

1939 წლის 1 სექტემბერს გერმანიამ პოლონეთის ანექსია მოახდინა და სწორედ ესაა ევროპაში მეორე მსოფლიო ომის დაწყების თარიღი. ორი დღის შემდეგ, 3 სექტემბერს ინგლისმა და საფრანგეთმა ომი გამოუცხადა აგრესორს. გერმანიასა და ინგლის-საფრანგეთს შორის დაიწყო „უცნაური ომი“ (ინგლ. Phoney War, „ყალბი ომი“),³⁶ როგორც მას ამერიკელმა სენატორმა რესპუბლიკური პარტიიდან – უილიამ ბორამ უწოდა. ინგლისის პრემიერ-მინისტრმა უინსტონ ჩერჩილმა ამავე უმოქმედობის პერიოდს „ბინდის ომი“ (ინგლ. Twilight War)⁴⁹ შეარქვა, ხოლო ბრიტანული პრესა ამ რვა თვეს ზიცკრიგად (გერმ. Sitzkrieg, „მჯდომარე ომი“ < სიტყვათა თამაში გერმ. Blitzkrieg-ის ანალოგიით) მოიხსენიებდა. ეს გამოცხადებული ომი საბრძოლო მოქმედებების გარეშე (თუ არ

ჩავთვლით საფრანგეთის მიერ გერმანული რეგიონის, ზა-
არლანდის ანექსიას) 1939 წლის 3 სექტემბრიდან 1940
წლის 10 მაისამდე გაგრძელდა.

1939 წლის 17 სექტემბერს პოლონეთში საბჭოთა ჯა-
რები აღმოსავლეთიდან შევიდნენ. 27 სექტემბერს ვარშა-
ვამ კაპიტულაცია გამოაცხადა, პოლონეთის მთავრობა
რუმინეთის გავლით სამშობლოდან გაიქცა. 29
სექტემბერს ფაშისტურმა გერმანიამ და საბჭოთა კავშირ-
მა პოლონეთი მშვიდად გაიყო.

იმავე წლის 30 ნოემბერს წითელი არმია ფინეთში
შევიდა და ე.წ. ზამთრის ომი დაიწყო, რომელიც 1940
წლის 12 მარტს ზავითა და ფინელებისთვის მიწების წარ-
თმევით დასრულდა.

1940 წლის 9 აპრილს გერმანია დანიასა და ნორვე-
გიაში შეიჭრა. დანია იმავე დღეს დანებდა მტერს, ხოლო
ნორვეგიამ 9 ივნისამდე იბრძოლა. ამის პარალელურად,
გერმანიამ დასავლეთ ევროპას შეუტია: 10 მაისს ლუქსემ-
ბურგში შეიჭრა, 14 მაისს – ნიდერლანდებში, 28 მაისს –
ბელგიაში, ხოლო 22 ივნისს საფრანგეთი უომრად ჩაბარ-
და მტერს. საფრანგეთ-გერმანიის ზავის პირობებით, ქვეყ-
ნის ჩრდილოეთ ნახევარი და ატლანტის ოკეანის მთელი
სანაპირო გერმანიის ხელში გადავიდა. სამხრეთ საფრან-
გეთის დედაქალაქი გახდა საკურორტო ქალაქი ვიში. 21
ივნისს უკვე იტალია შეიჭრა სამხრეთ საფრანგეთში.

14-18 ივნისს საბჭოთა კავშირმა ბალტიის ქვეყნებში
კომუნისტური გადატრიალება განახორციელა და მათი
ოკუპაციის შემდეგ, 3-6 აგვისტოს ისინი საბჭოთა რესპუბ-
ლიკებად გამოაცხადა. ამის პარალელურად, საბჭოთა
კავშირმა 28 ივნისს რუმინეთი აიძულა, ბესარაბიის აღმო-
სავლეთ ნაწილი და ბუკოვიის ჩრდილოეთ ნახევარი მის-
თვის დაეთმო.

3. ბრიტანეთის ბრძოლა

ბრიტანეთის ბრძოლა⁴³ ცვალებად გეოგრაფიულ არეალს მოიცავდა და თარიღთან დაკავშირებით მაშინვე არსებობდა აზრთა სხვადასხვაობა. ოფიციალური თარიღი – 1940 წლის 10 ივლისი მარშალმა დაუდინგმა შეარჩია, როგორც გაზრდილი შეტევების დაწყების დღე. ბრძოლის ფაზები ერთმანეთში არეულად განვითარდა. შესაბამისად, დათარიღებასთან დაკავშირებით ცალსახა აზრი არ არსებობს. სამეფო საჰაერო ძალების მუზეუმის ოფიციალური მონაცემებით,²⁶ ბრიტანეთის ბრძოლის ხუთი ფაზა სახელდება:

- 26 ივნისი – 16 ივლისი: დაიწყო შტორანგრიფე (გერმ. „აბეზარი რეიდები“) ანუ საცდელი, მცირემას-შტაბიანი რეიდები დღისითა და ღამით; 4 ივლისიდან – კანალკამპფი (გერმ. „ინგლისის არხის ბრძოლები“) ანუ ფლოტის წინააღმდეგ წარმოებული რეიდები დღისით.
- 17 ივლისი – 12 აბვისტი: ინტენსიური გახდა კანალკამპფი, გაძლიერდა პორტებისა და სანაპირო აეროდრომების დაბომბვა დღისით, ხოლო ღამით – ბრიტანეთის სამეფო ავიაციასა და თვითმფრინავების ქარხნებზე თავდასხმები.
- 13 აბვისტი – 6 სექტემბერი: დაიწყო ადლერანგრიფი (გერმ. „არწივის შეტევა“)²⁰ ანუ სამხრეთ ინგლისში სამეფო ავიაციის განადგურების ყოველდღიური ინტენსიური ეტაპი, რომელსაც 19 აგვისტოდან დაემატა ღამის მძიმე რეიდები პორტებისა და ინდუსტრიული ქალაქების, მათ შორის, ლონდონის გარეუბნების განადგურების მიზნით.
- 7 სექტემბერი – 2 ოქტომბერი: 76-დღიანი ბლიცკრიგის (გერმ. „ელვისებური ომი“) დასაწყისი, რომლის უმთავრესი მიზანი ლონდონსა და ინ-

გლისის სხვა ქალაქებზე დღისითა და ღამით მუდმივი თავდასხმა იყო. 1941 წლის მაისამდე უწყვეტად განხორციელებული საჰაერო რეიდები ისტორიაში „ბლიცის“⁴⁸ სახელით შევიდა.

3 ოქტომბერი – 31 ოქტომბერი: ღამის ხანგრძლივი რეიდები, უმთავრესად, ლონდონის დასაბომბად.⁵⁰ დღისით წარმოებული საჰაერო ორთაბრძოლები სამეფო საჰაერო ძალებსა და ლუფტვაფეს შორის.

ბრიტანელი ისტორიკოსების ნაწილი ბლიცს მიიჩნევს ბრიტანეთის ბრძოლის⁵¹ მეორე ეტაპად. შესაბამისად, სამეფო ავიაციასა და ლუფტვაფეს შორის შეტაკებათა პირველი ნაწილი 1940 წლის 10 ივლისიდან 31 ოქტომბრამდე გაგრძელდა, ხოლო ბლიცი 1940 წლის 7 სექტემბრიდან 1941 წლის 21 მაისამდე. ორ ეტაპად თუ მთლიანობაში, ეს იყო ყველაზე სისხლისმღვრელი და სასტიკი ბრძოლა სამშობლოს თავისუფლებისა და გადარჩენისათვის ინგლისის ისტორიაში.⁵⁶

ინგლისსა და გერმანიას შორის 1940 წლის 10 ივლისს დაწყებულ საჰაერო ომს „ბრიტანეთის ბრძოლა“¹¹ ეწოდა უინსტონ ჩერჩილის თემთა პალატაში 18 ივნისს წარმოთქმული სიტყვის მიხედვით. ბრიტანეთის პრემიერ-მინისტრმა კომენტარი გააკეთა ფაშისტების მიერ საფრანგეთის ოკუპაციასთან დაკავშირებით: „საფრანგეთის ბრძოლა დასრულდა. მალე ბრიტანეთის ბრძოლა იწყება“.¹¹ მას მერე, რაც ჰიტლერის გერმანიამ ევროპის უმეტესი ნაწილი ხელში ჩაიგდო, ინგლისი დარჩა ის ერთადერთი ქვეყანა, რომელსაც შეეძლო ფაშიზმის წინააღმდეგ წარმატებით ბრძოლა. ამიტომაც იყო ბრიტანეთის ბრძოლა მეორე მსოფლიო ომის უმნიშვნელოვანესი და გადამწყვეტი ეტაპი.

გერმანიას დიდი ბრიტანეთის დაპყრობა სურდა. პირველ რიგში სამეფო ავიაცია უნდა გაენადგურებინა, რომ

ინგლისელ პილოტებს არ ჩაეძირათ გერმანული სამხედრო გემები, როდესაც ბრიტანეთის დაპყრობის ოპერაცია „ზღვის ლომი“³¹ დაიწყო. გერმანია სამხრეთ სანაპიროს გამუდმებული დაბომბვით ცდილობდა ინგლისის საჰაერო ძალების განადგურებას. თუმცა ძლიერ მოწინააღმდეგეს გადააწყდა.⁹ იმდენად გაუჭირდათ ფაშისტებს, რომ მთელი ენერჯია მხოლოდ აეროპორტებში საფრენი ბილიკებისა და საავიაციო რადარების დაბომბვაზე გადაართეს, ხოლო პატარა ქალაქებს დროებით შეეშვნენ.⁴⁷ თვეები გავიდა, მაგრამ დაგეგმილი გამარჯვება არ ჩანდა. ჰიტლერმა მოთმინება დაკარგა.²⁷

1940 წლის 15 სექტემბერს სამეფო საჰაერო ძალებმა გაანადგურეს ლუფტვაფეს დივიზია ლონდონისა და ინგლისის სამხრეთი პროვინციების თავზე, რამაც ჰიტლერი აიძულა ბრიტანეთის სწრაფად დაპყრობის იდეა დაევიწყებინა. ინგლისში შეჭრის ოპერაცია „ზღვის ლომი“³¹ უკადოდ გადაიდო. ინგლისელების ამ დიდი გამარჯვების მიუხედავად, ბრძოლას დასასრული მაინც არ უჩანდა. მალე გერმანიამ ტაქტიკა შეცვალა: ლუფტვაფემ დიდი ქალაქების, განსაკუთრებით ინტენსიურად კი, ლონდონის⁵⁰ დაბომბვა დაიწყო.

4. ბლიცკრიზი

პირველი ხანმოკლე რეიდი ლონდონის თავზე 1940 წლის 5 სექტემბერს განახორციელა გერმანიის სამხედრო ავიაციამ ჰერმან გერინგის მეთაურობით. 7 სექტემბრის ნაშუადღევს 4:56 საათზე მთელი ძალებით დაიწყო ბრიტანეთის დელაქალაქის დაბომბვა.¹⁰ 1000-მდე გერმანულმა თვითმფრინავმა (350-ზე მეტმა ბომბდამშენმა და 600-მა მოიერიშემ) ლა-მანშს გადაუფრინა და ინგლისის ცა დაფარა. ბრიტანეთში საომარი განგაშის უმაღლესი დონე გამოცხადდა, სამხედრო დანაყოფებს კოდური სიტყვა

„კრომველი“ დაეგზავნათ, ხოლო ეკლესიის სამრეკლოებზე ზარების რეკვა დაიწყო.

გერმანელმა პილოტებმა არაერთი სამიზნე გაანადგურეს, მაგრამ ნაწილს ააცილეს და ბომბები ახლომდებარე საცხოვრებელ ტერიტორიაზე ჩამოაგდეს. აღმოსავლეთ და სამხრეთ-აღმოსავლეთ ლონდონში 430 ადამიანი დაიღუპა და 1600 მძიმედ დაშავდა. დედაქალაქს ხანძარი მოედო, რამაც, თითქოს, საგანგებოდ მტრისთვის გაანათა ლონდონი და დაბომბვების ახალ ტალღას შეუწყო ხელი. შიშის ნაცვლად, ლონდონელები სასტიკად აღშფოთდნენ ამ ფაქტით. მომხდართან დაკავშირებით ჩერჩილმა განაცხადა: „მისი (ჰიტლერის, დ.დ.) დანთებული ცეცხლი მანამ არ ჩაქრება, სანამ ნაცისტური ტირანიის უკანასკნელი კვალი არ ჩაიფერფლება ევროპაში“.¹¹

გერმანელებს გამარჯვების მოპოვების დიდი იმედი ჰქონდათ ინგლისის დედაქალაქის მასშტაბური დაბომბვით, მაგრამ უშიშარი ბრიტანელი პილოტები⁷ ცაში აიჭრნენ და ბევრი გერმანული თვითმფრინავი ჩამოაგდეს. „ბებერი ინგლისის მიწაზე ვერცერთი მტრის ჯარისკაცი ვერ დაადგამს ფეხს“⁹ – ამ რწმენით იბრძოდა ყოველი მათგანი.

იმ დამით არავინ იცოდა, რომ ეს იყო 76-დღიანი ინტენსიური საჰაერო თავდასხმების – ბლიცის⁵⁸ დასაწყისი. ბლიცი გერმანული სიტყვის Blitzkrieg-ის შემოკლებაა და „ელვისებურ ომს“ ანუ „ელვისებური სისწრაფით მიმდინარე ომს“ ნიშნავს.¹⁴

ლონდონის გარდა, ბრიტანეთის სხვა დიდი ქალაქებიც (მანჩესტერი, ბირმინგემი, კოვენტრი, ლივერპული, სუონზი, კარდიფი, ბრისტოლი, საუთჰემპტონი, პლიმუთი) ინტენსიურად იბომბებოდა დამდამობით. ყოველდღიური რეიდები 1941 წლის მაისამდე გაგრძელდა. უშუალოდ ლონდონს დღე და ღამე ბომბავდნენ 11 კვირის განმავლობაში და მხოლოდ ერთი ღამე გამოტოვეს გერმანე-

ლებმა ცუდი ამინდის გამო. ყველაზე ხანგრძლივი გამოდ-
გა ლონდონის გადაბმულად დაბომბვა 57 დამის განმავ-
ლობაში. ბრიტანეთის დედაქალაქის ერთი მესამედი მი-
წასთან გაასწორა ბლიცმა.

მსოფლიოში ყველაზე დიდი საჰაერო რეიდი 1940
წლის 14-15 ნოემბრის ღამეს ქალაქ კოვენტრიზე⁴⁴ განა-
ხორციელა ლუფტვაფემ. თავდასხმის შედეგად 4330 სახ-
ლი დაინგრა და 568 ადამიანი დაიღუპა. ხანძრის 200 და-
მოუკიდებელი კერა გაჩნდა, რის გამოც ქალაქის ცენტრი,
თითქმის, მთლიანად განადგურდა. კოვენტრიში ღია ცის
ქვეშ მუზეუმის სახით დღესაც დგას გერმანელთა თავ-
დასხმის შედეგად დანგრეული, უგუმბათოდ დარჩენილი
წმინდა მიხეილის სახელობის საკათედრო ტაძარი. მოქა-
ლაქეებმა XIV საუკუნის ძეგლის ნაშთი გაწმინდეს და
ნანგრევების სახით შემოუნახეს შთამომავლობას, მის
გვერდით კი ახალი ტაძარი ააგეს. კოვენტრის ძველი ტა-
ძარი მნახველზე წარუშლელ შთაბეჭდილებას ტოვებს.
მსგავსი შეგრძნება ექნებოდა ბაგრატის ტაძრის მნახველს
მის აღდგენამდე.

ბლიცის გამო კოვენტრის ისტორიული შენობების
უმეტესობა სრულიად განადგურდა.⁴⁵ შედეგი იმდენად
შოკისმომგვრელი იყო, რომ გერმანულ და ინგლისურ
ენებში მას შემდეგ გაჩნდა სიტყვა „კოვენტრილება“ (გერმ.
Koventriren, ინგლ. to coventrate), რაც ნიშნავს განადგურე-
ბას, მოსპობას, გაცამტვერებას.¹⁶

ფაშისტების მიერ კოვენტრიში ჩამოგდებული ყველა
ბომბი მაშინვე არ აფეთქდა. ისინი მოგვიანებით აღმოაჩი-
ნეს სხვადასხვა დროს. ბოლოს 2008 წლის 12 მარტს იპო-
ვეს აუფეთქებელი ბომბი ქალაქის ცენტრში. პოლიციამ
500-მეტრიანი რადიუსით შემოზღუდა პერიმეტრი და გამ-
ნადმეველებმა 13 მარტის დილისთვის გააუვნებლეს წარ-
სულის გადმონაშთი. უცნაური დამთხვევაა, რომ ამ ნა-
პოვნის ბომბის გამო გადაიდო 12 მარტს დაგეგმილი წარ-

მოდგენა „ნომბრის ერთი ღამე“, რომელიც სწორედ ბლიცის შესახებ იყო.

თუმცა გერმანელების რეიდები თანდათანობით შემცირდა, რადგან მათ საჰაერო ბრძოლაში ბრიტანელების დამარცხების ყველანაირი იმედი დაეკარგათ. თანაც, ბომბდამშენების გამოყენებას გერმანია საბჭოთა კავშირზე თავდასხმისთვის აპირებდა. შედეგად, ბლიცი 1941 წლის 21 მაისს დამთავრდა. მეორე მსოფლიო ომის ის პერიოდი, როდესაც გერმანიამ საბჭოთა კავშირის საზღვარი გადმოლახა 1941 წლის 22 ივნისს, დიდი სამამულო ომის სახელით დამკვიდრდა პოსტსაბჭოთა ქვეყნების ისტორიაში. ვფიქრობ, ეს სახელი არ უნდა დაიკარგოს, რადგან ზუსტად ასახავს, რისთვის იბრძოდნენ ჩვენი წინაპრები. როგორც ბრიტანეთის ბრძოლა, სამამულო ომიც მეორე მსოფლიო ომის მნიშვნელოვანი ეტაპია.

5. ომი და ინტელისუალები

ომის დროს, განსაკუთრებით, 76-დღიანი ბლიცის პერიოდში ცხოვრება ძალიან ძნელი და სახიფათო იყო დიდ ქალაქებში. ლონდონში ამ მხრივ ყველაზე მძიმე სიტუაცია შეიქმნა უბრალო ადამიანებისთვის, რადგან ინგლისის დედაქალაქი ინტენსიურად იბომბებოდა. ლონდონელებს, უმეტესად, ბომბსაფარში უწევდათ ღამის გათევა.

არც მეგაპოლისებთან ახლოს მყოფ დასახლებებში ეძინათ მშვიდად, რადგან გერმანელებს ღამის სიბნელეში ხშირად ეშლებოდათ კურსი და სამიზნის ნაცვლად, მასთან ახლოს მდებარე შენობებსა და დასახლებებში ყრიდნენ ბომბებს შეცდომით. ზოგჯერ კი, რეიდიდან დაბრუნებული ლუფტვაფეს პილოტები დარჩენილ, გამოუყენებელ ბომბებს უბრალოდ ძირს ყრიდნენ, რომ შინ უფრო სწრაფად და მშვიდობით დაბრუნებულიყვნენ. ძალიან ბევრი ასეთი გაუთვალისწინებელი ბომბი ჩამოვარდა დიდი ქა-

ლაქების მახლობლად, განსაკუთრებით კენტის საგრაფოს აგრარულ ტერიტორიაზე, რომელიც მდებარეობდა ლონდონისკენ საფრენ მარშრუტზე. ამ საჰაერო ტრასას „ბომბის ხეივანს“ უწოდებდნენ.

ქალაქების დასაცავად, ხელისუფლებამ აეროსტატები გაუშვა ცაში, რითიც გერმანელ პილოტებს სასურველზე მაღლა ფრენას აიძულებდა. შედეგად, მათი დაბომბვა გაცილებით არაზუსტი გამოდიოდა. ეს აეროსტატები ფოლადის კაბელებით იყო გადაბმული და ნებისმიერი თვითმფრინავი, რომელიც მათ შეეჯახებოდა, იღეწებოდა.

ხალხისთვის ყველაზე მძიმე გადაწყვეტილება, რაც ბრიტანეთის მთავრობამ მიიღო, მცირეწლოვანი ბავშვების დიდი ქალაქებიდან სოფლად, უცხო ოჯახებში გაგზავნა იყო მათი უსაფრთხოებისთვის. ევაკუაცია სამ ეტაპად განხორციელდა 1939-1945 წლებში და ოპერაცია „ჭრელტანსაცმლიანი მესტვირე“ ეწოდა, ცნობილი გერმანული ზღაპრის „ჰამელინელი მესტვირის“ მოტივებზე 1933 წელს გადაღებული ამერიკული ანიმაციური ფილმის სახელწოდების მიხედვით.

თემთა პალატის წარმომადგენელმა, სერ ჯონ ანდერსონმა მეორე მსოფლიო ომის დროს გაერთიანებული სამეფო სამ ზონად დაყო:

- **სამეზაპეტიტი** – ძლიერი დაბომბვის რისკის ქვეშ მყოფი უბნები;
- **ნეიტრალური** – უბნები, სადაც ევაკუირებულთა გაგზავნა ანდა მიღება არ იყო საჭირო;
- **მიმღები** – სასოფლო ტერიტორიები, სადაც გაიგზავნებოდნენ ევაკუირებულები.

პირველი ევაკუაცია 1939 წლის 1 სექტემბერს დაიწყო, გერმანიისთვის ომის გამოცხადებამდე ორი დღით ადრე. 1940 წლის იანვრისთვის ევაკუირებულთა, თითქმის, 60% შინ დაბრუნდა.

მას მერე, რაც ფაშისტურმა გერმანიამ საფრანგეთის უდიდესი ნაწილის ანექსია მოახდინა, ინგლისში მეორე ევაკუაცია გამოცხადდა. 100 ათასამდე ბავშვი, უმეტესობა ხელმეორედ, გაიგზავნა უსაფრთხო ადგილებში 1940 წლის 13-18 ივნისის პერიოდში. როდესაც 7 სექტემბერს ბლიცი დაიწყო, სასწრაფოდ განხორციელდა დარჩენილი ბავშვების გახიზნვა. 1941 წლის ბოლოსთვის ქალაქის ცენტრალური ნაწილები, განსაკუთრებით, ლონდონში, საცხოვრებლად უსაფრთხო გახდა. ეს პერიოდი ლონდონელმა ბავშვებმა, ძირითადად, ბომბსაფარში გაატარეს.

1944 წლის ივნისიდან 1945 წლის მაისამდე გერმანიამ კვლავ ცეცხლი გაუხსნა⁴² ინგლისს: ჯერ V-1 ტიპის რაკეტებით შეუტია ბრიტანეთს, მოგვიანებით კი V-2 ტიპის რაკეტებით. ამ მფრინავ ბომბებს ინგლისელები „ფაროსანას“ (doodlebugs)³⁷ ეძახდნენ მავნებელი მწერის ასოციაციით. მათი გაშვება ოკუპირებული საფრანგეთის სამხრეთში დამალული წერტილებიდან ხდებოდა. მთავრობამ სასწრაფოდ გახიზნა ლონდონიდან 1 მლნ ქალი, ბავშვი, მოხუცებული და ინვალიდი.

მეორე მსოფლიო ომი 1945 წლის 2 სექტემბერს დამთავრდა, მაგრამ ევაკუაცია ოფიციალურად 1946 წლის მარტამდე არ დასრულებულა – მაშინ, როდესაც მთავრობა დარწმუნდა, რომ ბრიტანეთს აღარ ემუქრებოდა თავდასხმა. საინტერესოა, რომ ომის დამთავრებიდან 6 თვის შემდეგაც კი 5 ათას 200 ევაკუირებული ცხოვრობდა სოფლად, მასპინძელთა ოჯახებში. თუმცა გახიზნულთა უმეტესობა 1946 წლის მარტზე გაცილებით ადრე დაბრუნდა შინ, რადგან უკვე 1945 წლის აპრილში დაიწყო მთავრობამ მათი მგზავრობის ორგანიზება. 12 ივლისისთვის 100-ზე მეტი მატარებლით 54317 ევაკუირებული ლონდონში დაბრუნდა. ეს პროცესი ეტაპობრივად მიმდინარეობდა.

ჩაბნელების პოლიტიკაც 1939 წლის 1 სექტემბერს დაიწყო ბრიტანეთის მთავრობამ, როგორც ბავშვების ევაკუაცია. ჩაბნელება გულისხმობდა შემდეგი წესების დაცვას ქვეყნის უსაფრთხოების მიზნით: მზის ჩასვლამდე ყველა მოქალაქეს უნდა დაეგმანა ფანჯრები და კარები მთელი ღამის განმავლობაში მუქი ფარდებით, კარდონით ან საღებავით. სინათლის ერთი სხივიც არ უნდა გამოსულიყო შენობებიდან. ეს აუცილებელი იყო გერმანელთა რეიდების გამო. ქალაქში ქუჩის განათება აღარ ირთვებოდა ღამით; ზოგჯერ დაბინდულად ანდა შუქფარით ენთო. შუქნიშნებიცა და ავტომობილთა ფარებიც მიწისკენ იყო მიმართული, რომ მკვეთრი ნათება მაქსიმალურად შეენიღბათ.

ერთი მხრივ, ომის პერიოდში ჩაბნელებას სამხედრო-სტრატეგიული დანიშნულება ჰქონდა. მეორე მხრივ, ათასობით ადამიანი დაიღუპა ავარიებში. უბედური შემთხვევების რიცხვი საგრძნობლად გაიზარდა ჩაბნელებული ქუჩებისა და დაბინდული განათების გამო. ტრაგედიის თავიდან ასაცილებლად, თეთრი ზოლები გაავლეს გზებსა და გარე განათების ბოძებზე. ხალხს შესთავაზეს, რომ მომავალი მანქანების მიმართულებით ევლოთ. კაცებს ურჩიეს, პერანგის ბოლო არ ჩაეტანათ და გადმოწეული ეტარებინათ, რადგან თეთრ ფერს უკეთ გაარჩევდნენ მძღოლები. ადამიანების ნაწილი ჩაბნელების გამო იმიტომ დაშავდა, რომ რაღაცას ფეხი წამოჰკრა სიბნელეში, ან კიბეზე დაგორდა, ან რამეს შეეჯახა.

ომის დროს ასევე დიდი პრობლემა იყო რაციონი, რაც ყველაფერზე დაწესდა: საჭმელზე, ტანსაცმელზე, ბენზინსა თუ ავეჯზე. დაბომბვაში მაღაზიებიც მოყვნენ, რამაც გამოიწვია დეფიციტი. გერმანელები ბრიტანეთში პროდუქტის შეტანასაც უშლიდნენ ხელს და სავაჭრო გემებს ძირავდნენ თავიანთი წყალქვეშა ნავებით. ომის დაწყებამდე ბრიტანეთს 55 მლნ ტონა საკვები შეჰქონდა

ქვეყანაში. ომის დაწყებიდან ერთ თვეში ეს რიცხვი 12 მლნ-მდე შემცირდა.

1939 წლის 29 სექტემბერს ჩატარდა ეროვნული რეგისტრაციის დღე და სახლის ყველა მკაპტრონემ შეავსო სპეციალური ფორმა, რომელშიც ჩამოწერა მის სახლში მცხოვრები ადამიანები და თითოეულის შესახებ საჭირო ცნობები მიაწოდა ხელისუფლებას. ამ მონაცემთა საფუძველზე, 1940 წლის დასაწყისში ინგლისში შემოიღეს პირადობის მოწმობა და რაციონის წიგნაკი, რომელიც კუპონებისგან შედგებოდა. ყოველი ოჯახი ან ინდივიდი დარეგისტრირდა ადგილობრივ მიმწოდებელთან, რომელთანაც მომავალში შეიძენდა მისთვის განკუთვნილ რაციონს. ეს დეტალები ხარჯთაღრიცხვის წიგნში ბეჭდით დასტურდებოდა. შესაბამისად, ადამიანს მხოლოდ მისი მიმწოდებლისგან შეეძლო ეყიდა რაციონის წიგნაკში მის სახელზე გამოწერილი პროდუქცია.

ხელისუფლება აკონტროლებდა, რომ ყველა მოქალაქეს მეტ-ნაკლებად თანაბრად შეხვედროდა ქვეყანაში არსებული პროდუქტი და არავინ დაჩაგრულიყო. მთავრობას არ სურდა, რომ დეფიციტის გამო პროდუქტებზე ფასები აწეულიყო და ღარიბებს საკვები თუ სხვა საჭირო ნივთები ვეღარ ეყიდათ. რაციონის წიგნაკები სიტუაციას იმ მხრივაც არეგულირებდა, რომ ერთს არ ეყიდა მთელი მალაზია და სხვები ულუკმაპუროდ არ დაეტოვებინა.

ნებისმიერი ნივთისა თუ პროდუქტის გაყიდვისას, გამყიდველი შესაბამის კუპონს წიგნაკიდან ხედა, ან მასზე ხელს აწერდა. ამის მერე, მყიდველი ფულს იხდიდა. ეს წიგნაკი ნივთის ყიდვის უფლებას იძლეოდა და ქვეყანაში არსებული პროდუქციის სამართლიანად გადანაწილებას აკონტროლებდა.

რაციონის წიგნაკები ფერადი იყო. სწორედ ფერი განსაზღვრავდა, რისი ყიდვის უფლება ჰქონდა რაციონის წიგნაკის მფლობელს:

- კრემისშპრი წიგნაკები ზრდასრულებს ურიგდებოდათ;
- მწვანე წიგნაკები ორსულებს, ჩვილთა დედებსა და 5 წლამდე ბავშვებს ეძლეოდათ. მათ დამატებით ხილი, ყოველდღიურად ნახევარი ლიტრი რძე და კვერცხის ორმაგი დოზა ეკუთვნოდათ;
- ლურჯი წიგნაკები 5-დან 16 წლამდე ბავშვებს ურიგდებოდათ, მათი ჯანმრთელობისთვის აუცილებელი ხილის, ხორცისა და ყოველდღიურად ნახევარი ლიტრი რძის ყიდვის უფლებით.

ზოგიერთი რაციონის წიგნაკის შემოღებას უსამართლოდ თვლიდა. მაგალითად, კვერცხის, კარაქისა და ხორცის სოფლად შექმნა საკმაოდ იოლი იყო უკუპონებოდაც. 1941 წლის ზაფხულიდან ქალაქელი მემწვანელები საბარგო მანქანებით მიდიოდნენ ქალაქგარეთ და ბოსტნეულს პირდაპირ ფერმერებისგან ყიდულობდნენ.

სახელისუფლებო აკრძალვების მიუხედავად, ინგლისელების უმეტესობა ახერხებდა გაცილებით მეტი საკვების შოვნას, თუკი ჰქონდა სამსახური, ან – სწავლობდა. მაგალითად, დონ ჯოზეფი, რომელიც ომის დროს მუშაობდა და ღამის სკოლაში სწავლობდა, იხსენებს, რომ სამსახურის სასადილოში სადილობდა, ხოლო ორი მოკლე შესვენების დროს ჩაისა და სენდვიჩს მიირთმევდა. კვირაში სამჯერ ის სკოლის ბუფეტში ვახშობდა.

ორი წლის შემდეგ, 1941 წლის 1 ივნისიდან ტანსაცმელზეც დაწესდა ნორმირება, რომელიც 1949 წლის 15 მარტს დამთავრდა. ამის საჭიროება ქსოვილის დეფიციტმა გამოიწვია. ტანსაცმლისთვის ვარდისშპრი რაციონის წიგნაკები შემოიღეს. შიგნით 60 ცალი ფერადი კუპონი იყო, რაც ერთი წლის ნორმას შეადგენდა. მოგვიანებით კუპონების რიცხვი 48-მდე შემცირდა. მათი საშუალებით ყველა ადამიანს წელიწადში ერთი ხელი ტანსაცმლის ყიდვა შეეძლო. ბავშვებს 10 კუპონით მეტი ეძლეოდათ

დიდებზე, რადგან ისინი იზრდებოდნენ და ტანსაცმელი ჩქარა უპატარავდებოდათ.

საკვების ნორმირება 14 წელი გავრძელდა ბრიტანეთში და 1954 წლის 4 ივლისის დამით დამთავრდა, როდესაც შეზღუდვები მოიხსნა ხორცისა და ღორის ყიდვა-გაყიდვაზე. მეორე მსოფლიო ომის დასრულებიდან უკვე 9 წელი გასულიყო.

6. ბრიტანეთის სამეფო ოჯახი

ბრიტანეთის ბრძოლაში არა მხოლოდ სამეფო ავიაციამ გაიმარჯვა მარშალ სერ ჰიუ დაუდინგის მეთაურობით, არამედ ინგლისელმა ხალხმა მთლიანობაში. სწორედ ინგლისელების პატრიოტულმა თავგანწირვამ განაპირობა შემდგომში მეორე მსოფლიო ომის ბედი, სხვა ბევრ მნიშვნელოვან ფაქტორთან ერთად.

ხალხის მებრძოლ სულისკვეთებას დიდად შეუწყო ხელი იმ ფაქტმა, რომ ბრიტანეთის სამეფო ოჯახს ერთი დღითაც არ დაუტოვებია ლონდონი და ყველანაირად იზიარებდა ხალხის ბედსა და უბედობას. მეფე და დედოფალი ბაკინგემის სასახლეში დარჩა ომის დასრულებამდე. ქალიშვილები – პრინცესა ელიზაბეთი და პრინცესა მარგარეტი უინძორის სასახლეში ცხოვრობდნენ უსაფრთხოების მიზნით.

როდესაც ინგლისმა ომი გამოუცხადა გერმანიას, მეორე VI სამი წლის გამეფებული იყო. ის სრულიად მოულოდნელად აღმოჩნა ბრიტანეთის ხელისუფალი, როცა მისმა უფროსმა ძმამ, მეფე ედუარდ VIII ტახტზე უარი თქვა 1936 წლის დეკემბერში, ამერიკელ უოლის სიმპსონზე დაქორწინების მიზნით. არც გეორგი, არც მისი ოჯახის წევრები სამეფო კარის ცხოვრებისთვის მზად არ იყვნენ, მაგრამ მსოფლიო ომში ბრიტანეთის ჩართვის შემ-

დეგ მათ ღირსეულად დაიკავეს ადგილი ჯერ საკუთარი ხალხის გვერდით, შემდეგ კი – მათ გულებშიც.

ბაკინგემის სასახლე ბლიცის დროს ცხრაჯერ დაიბომბა გამიზნულად. მეფე გეორგი და მისი მეუღლე, დედოფალი ელიზაბეთი კარნაკეტილ ცხოვრებას არ ეწეოდნენ. დაბომბვებს შორის ისინი ქალაქის განსაკუთრებით დაზიანებულ უბნებში მიდიოდნენ და ხალხს ამხნევებდნენ. ლონდონელები ყოველდღიურად ხედავდნენ სამეფო ოჯახის გულწრფელ ზრუნვას. მეფე ბრიტანული ჯარების სანახავად საფრანგეთსა და ჩრდილოეთ აფრიკაშიც გაემგზავრა.

მეფე გეორგ VI-მ წმ. გიორგის მედალი და წმ. გიორგის ჯვარი დააწესა, რომლითაც აჯილდოვებდა განსაკუთრებულ ქვეშევრდომებს მიმდინარე ომში გამოჩენილი გმირობისთვის. დღეს წმ. გიორგის ჯვარი ერთ-ერთი უმაღლესი ჯილდოა ბრძოლაში გამოჩენილი განსაკუთრებული სიმამაცისთვის. მასზე მაღალი ჯილდო მხოლოდ ვიქტორიას ჯვარია. 1942 წელს წმ. გიორგის ჯვარი გადაეცა მალტას იმის აღსანიშნავად, რომ ამ პატარა კუნძულმა არაჩვეულებრივი სიმტკიცე გამოამჟღავნა გერმანელების ალყის დროს. მეორე მსოფლიო ომის პერიოდში წმ. გიორგის ჯვარი 155 ადამიანს გადაეცა, მათ შორის 84-ს, გარდაცვალების შემდეგ.

7. ომის დასასრული

მართალია, გერმანელებს გაცილებით მეტი თვითმფრინავი და პილოტი ჰყავდათ, ბრიტანელებმა შეძლეს უღმობელ საჰაერო რეიდებს გამკლავებოდნენ, ღირსეული პასუხი გაეცათ ფაშისტებისთვის და სამშობლო გადაერჩინათ. საჰაერო ბრძოლის მოგებაში დიდი წვლილი შეიტანა რადარების არსებობამ. მათი საშუალებით ინგლისელები დროულად იგებდნენ სად და როდის გამოჩ-

ნდებოდა მტერი. ამიტომ ყოველთვის ჰქონდათ საკმარისი დრო, ცაში აფრენილიყვნენ და დაეცვათ ქვეყანა.

დიდი ბრიტანეთის სამეფო საჰაერო ძალებსა (RAF) და გერმანიის სამხედრო ავიაციას (Luftwaffe) შორის ბრძოლის დროს 1000 ბრიტანული და 1800 გერმანული თვითმფრინავი განადგურდა. ფაშისტური გერმანია პირველებმა ინგლისელებმა დაამარცხეს 1940 წლის 31 ოქტომბერს, როცა მსოფლიოს ნომერი პირველი მტრის საბოლოო განადგურებამდე ხანგრძლივი ხუთი წელი რჩებოდა.

საინტერესოა, რომ მეორე მსოფლიო ომის დასრულებასაც რამდენიმე ეტაპი და, შესაბამისად, რამდენიმე თარიღი აქვს.

1945 წლის 30 აპრილს ადოლფ ჰიტლერი მოკვდა.

7 მაისს გერმანიამ უპირობო კაპიტულაციას მოაწერა ხელი რაიმსში, რომელიც ძალაში მეორე დღიდან შევიდა.

სტალინის მოთხოვნით, ხელმოწერა გაიმეორეს ბერლინში 8 მაისის საღამოს, როცა საბჭოთა კავშირში უკვე ნაშუადამევი იყო. ამიტომ, ფაშიზმზე გამარჯვება 9 მაისის დილას გამოაცხადეს. ეს თარიღი დაკანონდა გამარჯვების დღედ საქართველოშიც. ასე დასრულდა მსოფლიო ომი ევროპისა და დასავლეთ აზიის ტერიტორიაზე, თუმცა იაპონია კიდევ რამდენიმე თვე არ დანებდა მოკავშირეთა ძალებს და ბრძოლა განაგრძო.

1945 წლის 6 აგვისტოს ჰიროსიმაში, ხოლო 9 აგვისტოს ნაგასაკიში ატომური ბომბები ჩამოყარეს ამერიკელებმა. 8 აგვისტოს საბჭოთა კავშირმა ომი გამოუცხადა იაპონიას და მანჯურიაში შეიჭრა. ამის შემდეგ იაპონიის მთავრობამ იმპერატორი კაპიტულაციაზე დაითანხმა და 15 აგვისტოს ჰიროსიმაში რადიოთი გამოაცხადა თავისი გადაწყვეტილების შესახებ. 2 სექტემბერს იაპონიამ ოფიციალურად მოაწერა ხელი დანებების დოკუმენტს აშშ საომარ ხომალდზე „მისური“, იაპონიის ყურეში.

ასე დასრულდა ყველაზე მასშტაბური ომი მთელს მსოფლიოში. თანამედროვე მსოფლიოს, თითქმის, ყველა ქვეყანაში დღემდე ახსოვთ, იციან და საუბრობენ მასზე. ლამის, არ არსებობს ადამიანი, რომლის წინაპარსაც როგორღაც არ შეეხო ეს საშინელება. თითქმის, ყველა ოჯახს აქვს მეორე მსოფლიო ომთან დაკავშირებული საკუთარი ისტორია, რომელსაც პერიოდულად იხსენებს და ყვება.

8. წითელი ყაყაჩოს სიმბოლო

პირველი მსოფლიო ომი (1914-1918), ძირითადად, დასავლეთ ევროპის ტერიტორიაზე მიმდინარეობდა. ოდესღაც ლამაზი მდელოები ბრძოლების შემდეგ ტალახიან, უნაყოფო ტერიტორიებად გადაიქცა, სადაც ბალახს ამოსვლა უჭირდა. ფაქიზი, მაგრამ ადაპტაციის უნარის მქონე ფლანდრიული ყაყაჩოები კი ათასობით აყვავდა შუა ომის ქარცეცხლში. 1915 წლის 3 მაისს კანადელ სამხედრო ექიმს, პოლკოვნიკ ჯონ მაკერეის ამ ულამაზესი ყვავილების ნაომარ ველზე ხილვამ დააწერინა ცნობილი ლექსი „ფლანდრიის მინდვრებში“,²⁴ რომელიც იპრის მეორე ბრძოლაში დაღუპული მეგობრის – ლეინტენანტ ალექსის ჰელმერის ხსოვნას მიუძღვნა. ეს ლექსი იმავე წლის 8 დეკემბერს ლონდონში გამომავალ ჟურნალ „პანჩში“²⁸ დაიბეჭდა და ძალიან სწრაფად გახდა პოპულარული.

ამერიკელმა პროფესორმა მონია მაიკელმა ლექსის ეზხით დაიფიცა, რომ მკერდზე მუდმივად ექნებოდა მიმაგრებული წითელი ყაყაჩოს ყვავილი პირველ მსოფლიო ომში დაღუპულთა ხსოვნის ნიშნად. მან ასევე დაწერა საპასუხო ლექსი „ჩვენ რწმენას შევინარჩუნებთ“.²⁴ მონია აბრემშუმის ნაჭრისგან გაკეთებულ ყაყაჩოებს ნაცნობ-მეგობრებს ურიგებდა და ითხოვდა, რომ წითელი ყაყაჩო ამერიკული ღვიგონის ხსოვნის ოფიციალურ სიმბოლოდ ეღიარებინათ.

აშშ-ში სტუმრად მყოფი ფრანგი ანა გერინი 1920 წლის კონვენციას დაესწრო, რომელზეც ლეგიონმა მხარი დაუჭირა მონა მაიკლის წინადადებას. შინ დაბრუნებულმა ფრანგმა ქალმა წითელი ყაყაჩოების გაყიდვა დაიწყო. ამგვარად ნაშოვნი ფულით ის ომში დაობლებულ ბავშვებს ეხმარებოდა. 1921 წელს გერინმა აბრეშუმის ყაყაჩოს ნიმუში ლონდონელ ვაჭრებს გაუგზავნა და ფელდმარშალ დაგლას ჰეიგის ყურადღება მიიპყრო. ბრიტანეთის სამხედრო ლეგიონი 1921 წელს ჩამოყალიბდა, 9 მილიონი აბრეშუმის ყაყაჩო შეუკვეთა და ამავე წლის 11 ნოემბერს გაყიდა. შემოსავალმა 106 ათასი გირვანქა სტერლინგი შეადგინა. ეს თანხა პირველი მსოფლიო ომის ვეტერანების დასაქმებასა და დაბინავებას მოხმარდა.

1922 წელს მაიორმა ჯორჯ ჰაუსონმა ყაყაჩოს ფაბრიკა დააარსა, სადაც ბრძოლაში დაშავებული, ყოფილი სამხედროები დაასაქმა. დღეს ეს ქარხანა და ეილზფორდში არსებული ლეგიონის საწყობი მილიონობით ყაყაჩოს აწარმოებს ყოველწლიურად. ამ ყვავილზე მოთხოვნა იმდენად დიდი იყო ინგლისში, რომ შოტლანდიისთვის ღამის აღარ რჩებოდა. ამიტომ 1926 წელს ედინბურგში დაარსდა „ლედი ჰეიგის ყაყაჩოს ქარხანა“ უშუალოდ შოტლანდიის ბაზრისთვის. ყოველწლიურად 5 მლნ-ზე მეტი შოტლანდიური ყაყაჩო, რომელიც ინგლისურისგან განსხვავდება – ოთხი ყვავილის ფურცელი აქვს და უფოთლოა, ძველებურად ხელით მზადდება ინვალიდი ვეტერანების მიერ. წითელი ყაყაჩოების ტარების ტრადიცია ბრიტანეთის მთელ იმპერიაში გავრცელდა.²⁵

დროთა განმავლობაში ყაყაჩო, პირველი და მეორე მსოფლიო ომების გარდა, ნებისმიერ სისხლიან კონფლიქტში დაღუპულთა ხსოვნის სიმბოლოდაც გადაიქცა. თანამეგობრობის ქვეყნებში ოქტომბერ-ნოემბერში და არამხოლოდ 11 ნოემბერს ან ხსოვნის კვირადღეს,³³ მოსახლეობის დიდი ნაწილი წითელ ყაყაჩოს ტანსაცმელზე მი-

მაგრებულს ატარებს. უკიდურესად პატრიოტი ინგლისელები მთელი წლის განმავლობაში უკეთებენ დემონსტრირებას ამ ყვავილს, როგორც სისხლიანი ომების მუდმივ გახსენებას. ხშირად მათ მანქანაზე აქვთ მიმაგრებული წითელი ყაყაჩო. ეს ტრადიცია თანდათანობით საერთაშორისო ხდება და მთელ მსოფლიოში იკიდებს ფეხს.

ყაყაჩოს სიმბოლო ქართული ისტორიისა და პოეზიისთვისაც განსაკუთრებულია. 1940 წელს ლადო ასათიანი „კრწანისის ყაყაჩოებში“¹ გმირ სამას არაგველს მიმართავს. ანა კალანდაძის არაერთ ლექსშია ნახსენები ამ განსაკუთრებული ყვავილის ფენომენი სათისხალიანი ყაყაჩოსა („ამ სურით სვამდნენ“)² თუ ყაყაჩოს სალხინო ღვინის („უუუუნა წვიმა მოვიდა“)³ სახით. მურმან ლებანიძემ, თითქოს, არა მხოლოდ საქართველოს, არამედ მთელი მსოფლიოს ისტორიული ფილოსოფია ჩაატია მოკლე ფრაზაში:

„უფლისციხესთან სისხლისფერი ყაყაჩოს წვეთი
არა დაღვრილის, დასაღვრელის, ალბათ, მაცნეა...“⁴

ლიტერატურა ■ References

1. ასათიანი ლადო. კრწანისის ყაყაჩოები. პროექტი „ბიბლიოთეკა სკოლას“, საქართველოს პარლამენტის ეროვნული ბიბლიოთეკა <www.nplg.gov.ge>
2. კალანდაძე ანა. ამ სურით სვამდნენ, <www.aura.ge>
3. კალანდაძე ანა. უუუუნა წვიმა მოვიდა, <www.poetry.ge>
4. ლებანიძე მურმან. უფლისციხესთან სისხლისფერი ყაყაჩოს წვეთი. პროექტი „ბიბლიოთეკა სკოლას“, საქართველოს პარლამენტის ეროვნული ბიბლიოთეკა <www.nplg.gov.ge>
5. „ფესვები“ (1987, რეჟისორი – ყარამან (გუგუელი) მკვლადე, სცენარის ავტორი – სულიკო ჟღენტე). მთავარი პერსონაჟის, გიორგი ზაქარეიშვილის (მსახიობი – დოდო აბაშიძე) ციტატა: „გახსოვდეს, ხის სიმაღლე მიწის ზევიდან კი არ იზომება, არამედ ფესვებიდან. შენი ფესვები იქ არის, საქართველოში“.

6. ჭავჭავაძე ილია (1888). დავით აღმაშენებელი. ვახ. „ივერია“, №17.
7. IWM Staff (2018, January 11). *7 pilots who flew in the Battle of Britain*. Imperial War Museums, <www.iwm.org.uk>
8. Slater, Terry (1981). *A History of Warwickshire*. London: Phillimore.
9. Arthur, Max (2010). *Last of the Few: The Battle of Britain in the Words of the Pilots Who Won It*. Virgin Books. ISBN-13: 978-0753522271
10. Battistelli, Pier Paolo (2007). *Panzer Divisions: The Blitzkrieg Years 1939-40 (Battle Orders)*. Osprey Publishing. ISBN-13: 978-1846031465
11. *Battle of Britain*, International Churchill Society, Retrieved on 4 April 2019 <www.winstonchurchill.org>
12. Bishop, Patrick (2010). *Battle of Britain: a day-by-day chronicle, 10 July 1940 to 31 October 1940*. London: Quercus.
13. Bishop, Patrick (2009). *Battle of Britain: A day-to-day chronicle, 10 July–31 October 1940*. London: Quercus Publishing Plc. ISBN: 978-1847249845
14. Clark, Lloyd (2017). *Blitzkrieg: Myth, Reality and Hitler's Lightning War – France, 1940*. Atlantic Books. ISBN-13: 978-1782391364
15. Clark, Lloyd (2009). *Crossing the Rhine*. Grove Press / Atlantic Monthly Press. ISBN-13: 978-0802144300
16. McGrory, David (1993). *Coventry: History and Guide*. Dover, N.H.: A. Sutton.
17. Cruickshank, Dan (2011, June 21). The German Threat to Britain in World War Two. *BBC History*.
18. Dader, Khalid (2019, March 19). John McCrae's *In Flanders Fields*: Short Analysis and Interpretation. *Orrec* magazine.
19. Deignton, Len (2014). *Fighter: The True Story of the Battle of Britain*. William Collins; UK edition. ISBN-13: 978-0007531189
20. Dildy, Douglas C. (2018). *Battle of Britain 1940: The Luftwaffe's 'Eagle Attack' (Air Campaign)*. Osprey Publishing. ISBN-13: 978-1472820570
21. *Directive No. 6 For The Conduct Of The War* (1939, October 9). The Supreme Commander Of The Armed Forces, Berlin.
22. Frieser, Karl-Heinz (2013). *The Blitzkrieg Legend: The 1940 Campaign in the West*. Naval Institute Press. ISBN-13: 978-1591142959
23. CSV Action Desk (2005, September 9). *German attempt to invade England 1942*. Article ID: A5653262, An archive of World War Two memories – written by the public, gathered by the BBC, Retrieved on 25 October 2018.

24. Granfield, Lina, and John McCrae (2000). *In Flanders Fields: The Story of the Poem by John McCrae*. Canada: Stoddart Publishing. ISBN-13: 978-0773759251
25. Graves, Dianne (1997). *A Crown of Life: World of John McCrae*. Spellmount Publishers, Ltd. ISBN-13: 978-1873376867
26. *Introduction to the Phases of the Battle of Britain*. Royal Air Force Museum website, Retrieved on 2 May 2018.
27. Limbach, Raymond (2020, January 8). *Blitzkrieg: Military Tactic*. Encyclopaedia Britannica.
28. McCrae, John (1915, December 8). In Flanders Fields. Original published in *Punch* magazine. The Great War 1914-1918.
29. McKinstry, Leo (2010, July 10). The unsung plane that REALLY won the Battle of Britain: The Hawker Hurricane gets its rightful place in history. *The Daily Mail*, <www.dailymail.co.uk>
30. McNaughton, Frank (1939, September 19). Roosevelt Deplores German Bombings. *The Pittsburgh Press*, p. 8.
31. *Operation Sealion*; Citation: C N Trueman “Operation Sealion” (2019, December 18). History Learning Site.
32. Pinkstone, Joe (2020, January 10). How Germany could have WON the Battle of Britain: Mathematical study proves the Luftwaffe would have defeated the RAF if they had started THREE WEEKS earlier and focused on bombing airfields rather than cities. *The Daily Mail*, <www.dailymail.co.uk>
33. *Remembrance Day: Lest we forget* (2010, November 10). Canadian Broadcasting Corporation (CBC).
34. Ronald, Reagan (1989, January 11). *Farewell Address to the Nation*. <www.reaganfoundation.org>
35. Russell, Shahan (2016, September 11). The four phases of the Battle of Britain explained. *War History Online* (the place for military history news and views), <www.warhistoryonline.com>
36. Safire, William (2008). *Safire's Political Dictionary*. New York, NY: Oxford University Press. “This is not a Phoney War”, p. 539. ISBN: 978-0-19-534334-2
37. Sarkar, Dilip (2019). *Spitfire!: The Full Story of a Unique Battle of Britain Fighter*. Air World, Philadelphia: Pen & Sowrd Books, Ltd. ISBN-13: 978-1526732811
38. Murray, Williamson (2002). *Strategy for Defeat: the Luftwaffe, 1933-1945*. Honolulu, Hawaii: University Press of the Pacific.

39. Overy, Richard J. (2001). *The Battle of Britain: The Myth and the Reality*. New York, NY: W.W. Norton.
40. *The Blitz*. Royal Air Force Museum website, Retrieved on 2 May 2018 <www.rafmuseum.org.uk>
41. *The Blitz – The Hardest Night 10/11 May 1941, 11:02pm – 05:57am*. Royal Air Force Museum website, Retrieved on 2 May 2018 <www.rafmuseum.org.uk>
42. Overy, Richard J. (2013). *The Bombing War: Europe 1939–1945*. London & New York: Allen Lane.
43. Addison, Paul, and Jeremy Crang (2000). *The Burning Blue: A New History of the Battle of Britain*. London: Pimlico.
44. Smith, Albert, and David Fry (1991). *The Coventry We Have Lost*, Vol. 1. Berkswell: Simanda Press.
45. Smith, Albert, and David Fry (1991). *The Coventry We Have Lost*, Vol. 2. Berkswell: Simanda Press.
46. White, Ian (2007). *The History of Air Intercept Radar & the British Night fighter 1935–1939*. Barnsley: Pen & Sword.
47. Goss, Chris (2000). *The Luftwaffe Bombers' Battle of Britain*. Crecy.
48. Calder, Angus (2003). *The Myth of the Blitz*. London: Pimlico.
49. *The Phoney War*. History Learning Site, Citation: C N Trueman, Retrieved on 20 December 2019 <www.historylearningsite.co.uk>
50. Allwright, Lucy (2011). *The War on London: Defending the City from the War in the Air: 1932-1942*. Coventry: University of Warwick.
51. When was the Battle of Britain and why did Germany lose it? (2018, July 10). *History Hit*, <www.historyhit.com>
52. BBC (2006, November 10). Where did the idea to sell poppies come from? *BBC News*.
53. Rahman, Rema (2011, November 9). Who, What, Why: Which countries wear poppies. *BBC News*.
54. Whyte, Bert (2011). *Champagne and Meatballs: Adventures of a Canadian communist*. Edited and with an introduction by Larry Hannant, Edmonton: Athabasca University Press. p. 17. ISBN: 978-1-926836-08-9
55. Knox, Patrick, and Neal Bakers, Mark Hodge, Jon Rogers, Sofia Petkar (2018, April 23). Will there be a World War 3 and who would win? *The Sun*.
56. Franks, Norman (1980). *Wings of Freedom: Twelve Battle of Britain Pilots*. London: William Kimber.

57. WW2: What was the secret to winning the Battle of Britain? (2019). *BBC Teach*. Retrieved on 28 June 2019 <www.bbc.co.uk>
58. Zetterling, Niklas (2017). *Blitzkrieg – From the Ground Up*. Casemate. ISBN-13: 978-1612004600
59. *Battlefield Britain* (2004). [Television miniseries]. BBC.
60. *Battle of Britain* (1969). [Film]. Director – Guy Hamilton; Spitfire Productions. [Laurence Olivier as Sir Hugh Dowding].
61. *The Bombing of Coventry* (2009). [Television documentary]. BBC.
62. *Churchill's Island* (1941). [Film]. Director – Stuart Legg; National Film Board of Canada (NFB).
63. *Dad's Army* (1968-1977). [Television series]. (Also known as: The Fighting Tigers). Creator – Jimmy Perry; BBC.
64. *Dark Blue World* (2001). [Film]. (Oridinal title: Tmavomodry svet). Director – Jan Sverák; Biograf Jan Sverak, Česká Televize.
65. *Eagles Over London* (1969). [Film]. (Oridinal title: La battaglia d'Inghilterra). Director – Enzo G. Castellari; Fida Cinematografica, Atlántida Films, Les Productions Jacques Roitfeld.
66. *Goodnight Sweetheart* (1993-1999; 2016). [Television series]. Creators – Maurice Gran, Laurence Marks; BBC, Alomo Productions, SelecTV.
67. *Pearl Harbour* (2001). [Film]. Director – Michael Bay; Touchstone Pictures, Jerry Bruckheimer Films.
68. *Piece of Cake* (1988). [ITV Television miniseries]. London Weekend Television (LWT), Holmes Associates.
69. BBC <www.bbc.co.uk>
70. Britannica <www.britannica.com>
71. CBC <www.cbc.ca>
72. Coventry Cathedral <www.coventrycathedral.org.uk>
73. Adolf Hitler (2005) <www.der-fuehrer.org>
74. The Great War 1914-1918 <www.greatwar.co.uk>
75. Historic UK: The History Magazine and Accomodation Guide <www.historic-uk.com>
76. The National Library of Georgia <www.nplg.gov.ge>
77. Royal Air Force Museum <www.rafmuseum.org.uk>
78. The Sun <www.thesun.co.uk>
79. The Week <www.theweek.co.uk>